

永樂大典

七三

228600



卷 〇七三九	卷 〇七三八	卷 〇七三七
郎字	郎字	郎字



永樂大典卷之七千三百二十七

郎

承信郎

沿革宋史職官志政和二年詔易武選階以三班借直為承信郎

事實宋劉才邵杉溪集趙伯鎮換授承信郎制勅使宜黜陟蓋一時之權銓曹恭復乃如真授而先次換給所以示優其承殊恩益思自勉可

吳宗謹承信郎制勅爾項在殊方備嘗艱阻嘉其忠恪何惜一官祗服

恩榮益思自勵可許翰襄陵集虔州坑壩火齊之才可承信郎為自備才

力不借官本費列淨利依格補官勅某地有珍產爾能發之以佐國用在

法當錄勉爾力以聽官使可邵護為父陣亡可承信郎制士有伏節

死事不得身受典賞則子獲承之所以明恩而起信也金重寶等授承

信郎制遣吏無良恙戎弗率靖夏夫守覆我嘉師朕心惜焉不忘震悼

深詔執事辱錄其孤俾秩以官用慰伏節惟忠惟孝往服恩榮勿忝前修

祇若予訓節度使郭仲婁姪陳乞補承信郎制朕於嚴嚴之臣加厚

其老而勤恤其亡。猶以為未也。至其族姻多俾甄錄而爾蒙澤焉。往訪其躬以聽官使可。蕃官男為父陣亡。補承信郎制。勅某等。朕以仁覆天下。欲息兵甚。聞者夏賊擾邊。師不得息。至使豪俊剋壽於鋒鏑。忠義伏節於原野。非朕志也。故深詔執事。錄死事者之子孫。厚厥寵秩。稱朕所以哀矜之意可。周江呈試武藝。補承信郎制。有司以爾武力。聞朕臨觀。便殿挽強。踴躍可官。而使往祗寵命。國所以報可。某移詔承信郎制。遣吏言爾去歲即華忠効純白。有力於軍。旌爾以官。往其國報。屈兒授承信郎制。爾能勤事。伏節精白。著明而弗獲受賞。朕甚矜之。扶爾以官。用勸忠順。待詔沈明。補承信郎制。爾服勤榮苑。積有功。睹寵以官。使往度勿懈可。林致和。修造所有。筭並補承信郎制。勅爾等祗服禁嚴。有勞可錄。膺茲寵秩。往懋事功。可。李滿。遷竹溪集彭大郎。補承信郎制。踐家以紓國難。麟經褒焉。爾祖以資奉公。軍用不乏。一官及汝。以報其忠。往服寵休。益務恭恪。霍興。贈承信郎制。捨生取義。知命者所難。而爾能體國奮忠。殞身王事。錫官一等。追賁九原。魂其有知。歎此殊寵。陽衛嗣興。補承信郎制。伏節死誼。知命者所難。爾父忠勇。帥眾至於殞身。朕甚憫焉。既悅其秩。復命爾官。恩則厚矣。其思所以保之。韓駒。陵陽集。故贈華

州觀察使 王某燭黃尹等可承信郎制 勅具官某朕哀廉察之臣瑾
身從事所以附邨其家甚厚願以爵賞馳於親屬汝尚竭力無忝朕恩可
徐勉等補承信郎制 勅具官某等士能不愛其身數與虜颺朕獨何
愛官爵不以及其子乎可 吳熙等補承信郎制 勅具官某益起吳中
汝多俘賊蓋功無不錄所以廣恩也可 王仍有三頃白身恩澤可回授
與妻兄之子歐祐禧裕三人各特補承信郎制 勅具官某等任子之法
雖大臣不得以及異姓今予左右之臣厥功甚茂願加惠於姻黨朕何愛
爵賞不以慰其心汝尚盡力無愧所親可 進武校尉劉世良等捕賊有
功轉承信郎制 勅具官某軍吏有功計級論賞尚思竭力効用轅門可
將仕郎分水縣尉伍徽招賊有功可承信郎制 勅具官某爾入貨補
官計功受爵勿謂武弁而不究心可 効用陳序承信郎制 勅具官某
盜發潢池爾多俘賊功無不賞以勸勤勞可 故承信郎王安奇男士明
為父致賊殺害可補承信郎制 勅具官某爾父見賊奮不顧身命爾入
官以酬蓋節可 進武校尉張勣等招賊有功與承信郎制 勅具官某
等賊心弗悛復出為惡汝具如其謀議禽捕悉平寵受官資各思自効可
楊秀才補承信郎制 勅具官某爾素推豪族性稟恭勤宜襲漢官承

固邊圍若能和輯種落肅靜峒谿則上報君恩下全世守可 蕃官常以轉承信郎制 勅具官某平燕之役爾在兵間寵畀一官以激餘勇可

進武校尉朱玩等與承信郎制 勅具官某汝為鐵官鼓鑄增羨豈無爵賞以勸勤勞可 進義副尉張澤捕賊有功轉承信郎制 勅具官某殘

虜犯邊壯士用命書勲增級用教三軍可 毛景修特與承信郎制 勅具官某戰歿之臣官其族屬雖國常典亦予至仁可 胡果補承信郎制 勅

勅具官某惟汝父淵身膏草野一官畀汝勿忘立功可 忠翊郎張濟可教武郎東義郎王宰可修武郎承信郎崔彥武可忠訓郎進武校尉將

徐可承節郎郎延路漢弓箭手第七指揮長行冠直可承信郎制 勅具官某等平賊之吏已踰歲時嘗詔有司趣定功賞可 白身人漸之進可

補承信郎制 勅具官某方內久安盜剽竊發爾父勇敢督捕捐軀茲命爾官以旌勤事可 進武校尉何渠丁敗並承信郎制 勅具官某等卒

伍逃亡或為盜賊有能招集是亦微勞可 武義大夫折公良二子忠傑成忠郎忠孝承信郎制 勅具官某漢封弓高許其世襲汝父善戰遺疾

而終其命有司官其二子可 馮芝等為敗處約陣亡恩澤補承信郎制 勅具官某國家雖遠恩賞常經戰亡故久婚姻悉蒙賜爵爾受休寵尚

知戎哉可 景孝友為堂兄孝忠方賊陣亡補承信郎制 勅具官某兄弟急難常情歎息今忠義戰歿馳爵爾曹恪謹其務無忝休命可 承信郎張師孟復舊官制 勅具官某以法威民坐累必罰以寬臨下遇赦皆蠲可 李序章可承信郎制 勅具官某言念小臣殫身勤事錄其後裔用勸群工可 楊瑜等補承信郎制 勅具官某有林宇孤始自西漢言以戰死良用蓋傷汝性即官勉為忠孝可 攝承信郎朱珪可承信郎制 勅具官某群盜患平第功行賞獨汝未錄考實如章可 陳輝授承信郎制 勅具官某由汝勤力息銅日舊俸級官懸高勤勿懈可 故武德郎魯成陣亡男仲圭等並可承信郎制 勅具官某終日力戰義不顧身官其孤兒以激勇士可 舊人馮植承信郎制 勅具官某朕於臣工較考授秩特增一等用示優恩可 西方企仁補承信郎制 勅具官某終日力戰義不顧身勇士戰歿深可憫傷汝當悉心卹其家事可許景衡橫塘集李忠等補承信郎制 勅具官某金冠犯順軍書奏報爾等有勞各命以官往其欽服可 郭元明補承信郎制 勅乃者適卒迷而不復爾能道朝廷恩意渾之悔罪自歸有司今錄爾勞命官初等往其祗服益思報効可 南景仁可承信郎制 勅某爾以勇果從軍兩河畢事奏功宜

唐初命祗服寵獎益務公勤可孟洵等並合轉承信郎制勅某等樞臣總戎鎮撫北道爾等各謀帳下有奔走之勞往服初命益務忠謹可潘良貴黜成居士集王俊彦補承信郎陣亡恩澤制勅具官某叛逆干常將士用命既第戰功之賞尤先死事之人衍其恩榮俾及親屬是為渥澤蓋以勸忠往其祗欽毋忘報稱可張廣東憲集鄒文轉承信郎制勅某人間者嚴奉梓宮實國大事爾以舟楫祗命甚虔濤江之杭如遇枕席增秩示賞用酬其勞夏惲黃填南清崔之綱並補承信郎制勅具官某等漢制死事之孤養於羽林蓋使嗣其祿也爾以外舅殽於干戈獲露遺澤肆命以官以示吾優恤之意爾尚勉之游李雄換給承信郎制勅具官某爾妻之祖殽於行陣爾露遺恩豈常格哉聞外便宜雖補爾官命易以真亦以見死事之家朕所優也葛中立轉承信郎制勅具官某郎傳在途尤戒嚴密爾嘗祗事遺發有勞其增厥官以示勸賞歐陽年補承信郎制勂某人馳恩外甥朝廷所靳惟死事之家則得之所以勸忠也爾之補官盖用此例可不勉哉趙公墨補承信郎制勂某人爾以宗子頃遭淪隔脫身間閭志節可尚肆命以官以為爾勸既延憲李光輔換給承信郎制勂具官某等死事之孤義無不錄帥聞承制秩爾

以官申錫贊書俾從真授。杜存補承信郎制。勅具官某爾祗事掖庭。閱歲寔久。比因進位之慶。肆頒錄勞之恩。命爾以官。宜思報稱。許安禮。轉承信郎制。勅具官某朕仰惟太母還宮。率土均慶。奉迎之始。爾預有勞。增秩示恩。往承母恩。崔憲政補修武郎。崔憲成補保義郎。陳敦劉興並補承信郎制。勅具官某爾等成繼忠義。不忘本朝。脫身來歸。良用嘉歎。肆命以秩。其務欽承。宗子趙師道補承信郎制。勅朕推親親之信。不間疎遠。所以厚宗族也。以爾幼遭淪陷。脫身自歸。年既及冠。可以仕矣。肆命以官。往其欽哉。張彥補承信郎制。勅具官某爾奉樞筦之機。雖幹有聞。肆命以官。以為爾勸。益思自勉。圖報朕恩。戚可恭換給承信郎制。勅具官某朕錄死之裔。所以勸忠也。爾以猶子。嘗預優恩。中錫贊書。俾從真授。益思自效。期稱所蒙。王傳補承信郎制。勅朕駐蹕。具會調度。日繁。爾伯父冲允。首傾家貲。以佐國用。嘉其忠義。命以賞延。申錫贊書。益圖報効。左之剛換給承信郎制。勅具官某死事之典。念亡錄存。爾以其婿。嘗露道澤之寵。申錫贊書。俾從真授。益思自勵。以稱所蒙。張濟王戰並補承信郎制。勅具官某等艱難之時。用命則有賞。念功之際。死事所宜優。遺澤之加。許需其姪。是為異典。爾等尚勉之。李遵補承信郎

制 勅朕哀亡念存。不吝爵賞。爾父以身抗賊。殞于鋒鏑之下。錄爾以官。以為盡忠者之勸。尚勉之哉。花辛轉承信郎制 勅具官某頃者群醜肅聚。弄兵潢池。爾屢執堅擒捕。自效肆頒。信賞其務。欽承 周諒。補承信郎制 勅某人朕臨遣輔臣遠修鄰好。出疆之始。幹敏是資。肆命以官。式昭兩寵。無忘勤恪。用稱恩休。漢兒郝恕劉橫並補承信郎制 勅具官某等夙膺忠義。不忘本朝。脫身自歸。良用嘉嘆。肆頒厥秩。其務欽承。高靖尹進並補保義郎。王浩顧寧並補承信郎制 勅具官某等比遠近弼業行營屯內申警備之嚴。外廣綏懷之策。王靈所及。人自華心。既效順以歸來。宜錫恩之可優。肆命以秩。用勸乃忠。郭庭俊補承信郎制 勅某人死事之臣。朕所傷感。以爾繼絕。俾承其宗。肆命以官。宜思自勵。李浹換給承信郎制 勅具官某死事之家。朕所優恤。爾以其壻。嘗預優恩。申錫贊書。俾從真授。益思自勵。以稱所蒙。宗室趙師欽特補承信郎制 勅具官某朕遵列聖之憲。厚九族之仁。矧當艱難之時。尤優待叙之典。以爾幼遭淪陷。脫身來歸。養於公宮。年及冠矣。爰錫以爵。俾服官職。往勵爾忠。期稱朕命。王彥雍乞得並補承信郎制 勅具官某爾等淪陷之人。忠義不忘。脫身來歸。有足嘉者。肆命以秩。其務欽承。孫觀鴻慶居士集趙

耶補承信郎制 逆者盜起東南偏師進討將士用命殄滅無餘爾以勞能上功幕府進膺懋賞汝往欽哉 闕維轉承信郎制 大將東邊群才並驚雷於困阨爾以名聞往踐一官以圖報稱 左良辰承信郎制 朕分遣使臣宣勞萬里爾能自奮慷慨請行朕用嘉之進官一等益有忠藍朕我恩榮 進義副尉蘇子震承信郎制 爾不受軀命問閭賊中震善叙功進位一等益思勉勵以稱恩休 焦詔補承信郎制 渠魁授首于今七年矣其時將帥猶以未錄之功請于朝者功疑惟重何愛一命以為後來之勳 鄭元亨承信郎制 蔡承之慶章及四方爾常駿奔以給吾事一官以懋厥勤往其祇服 俞保補承信郎制 忠力之士以身殉國而飾終之典錄其子孫所以勸天下之為忠為孝也往祇休命無忝前人 堯中道中立中和各補承信郎制 爾父以死勤事朕甚悼之既時恤其家又錄其子往踐一官無忌忠順以永綏于寵極洪文安公集趙師範趙彥純補承信郎制 禮部狀 取應宗子趙師範趙彥純狀 四經判者覆試不中平四十二已上已休貢舉德令檢准今諸宗室非袒免親取慶三經覆試不中平四十二已上者取昔量材錄用奉聖旨並與補承信郎 國家設宗子貢舉之制可謂優矣爾四舉禮部而卒無成年及強仕援比自言錫汝

一官雖惟殊渥汪藻浮溪集宗子趙序謨補承信郎制 爾宗室子學業中程更此湛恩宜登仕版益勸講習上答所蒙 進武校尉常益等可承信郎制 爾頃因遣使奉對以從既返國都宜酬其績進官一等尚勉之哉 趙善淑等各可補承信郎制 公族國之枝葉也葛藟猶能庇其本根而况於國乎此朕於艱難之時敦睦之恩尤不敢替也汝等幸同屬籍歲久浸蕃雖宵出祖宗信厚皆如麟趾然身夷編戶貧者或乘牛車各命一官使之從仕往安爾祿無負朕恩 任決補承信郎制 春秋時士有死兵者其家必得志於其國蓋責人以所甚難者其報當爾也今予以爾從弟某死於城守褒卹有加澤之所覃遂至官汝嗚呼汝知夫死者不可復生而國家之恩不可妄得也可不勉哉 謝才等補承信郎制 頃者盜發潢池東南震擾汝從民伍斬虜有功同惜一官旌其忠勇尚圖東效以稱朕恩李璧鴈湖集蕭清已轉承信郎制 乃者兩府奏薦來上優進諸儒示不忘勞也爾肆臺院亦預祗役列選官秩豈謂幸哉往思忠勤以稱恩厚范石湖大全集將仕郎戴安國捕獲海賊可承信郎制 爾家于海濡為郡耳目冠船畫儀服禮過門物色成擒議賞中率益懋多績嗣茲以聞 忠義軍統制官耶律迺哩妻弟蕭慶元可承信郎制 爾父遼東

之憂屢亢繼慶卒與姻黨同歸本朝何惜一官併寵其息 明州水軍統制下重珣招安到海賊倪德等可補承信郎制 東溟稽天盜倚而肆陣間有命國威風馳爾奉辭揚靈展背弭輯其祇釀賞無怠忠勤 進勇副尉陳廣捕獲海賊可承信郎制 姦盜阻海徼巡難攻爾以才豪為郡所遠揚於巨浸俘致酋魁錫官嗜庸吏勉求效 張建陣亡與子德普恩澤補承信郎制 爾父死於敵錚爾以官所以報也性哉惟孝惟忠以顯父休周益公大全集進武副尉陳玠轉承信郎制 勅某人乃者祖妣聖容歸安原廟汝嘗服役例獲進階往祇異恩尚勉求効可 宗子伯瑀三經覆試不中年四十已上補承信郎制 勅某人汝席慶天戈自力于學雖三戰不勝而其志可嘉禮曰四十後而仕汝年至矣錫之一命毋怠初心可 岳飛孫南中經緯紀綱並特與補承信郎制 勅某人等善善及其子孫春秋之誼也乃祖既信肩於地矣其可使汝曹尚與編氓益乎各命以官勉圖報國可 忠州中取應宗子趙不括昨於紹興二十九年取到夔州路轉運司文祥當年九月赴四川置制司類省試院覆試中第六名丁憂赴御試不及補承信郎制 勅某人乃者深念宗盟或將蜀道均以十人之制錫其萬里之來汝既中程是當錫命往繼右列尚勉復圖可

歸正人營煥補承信郎制 勅某人爾父捨逆歸順不幸功未究而繼以死錄孤之澤踰二十年雖阻隔饒饒而王命不墜茲能自拔申界前恩勿忘父寬尚勉國事可 量試宗子合格二百六人內趙汝弼補承節郎餘並補承信郎合格雜犯附榜人趙師厚等一十人亦補承信郎展二年出官制 勅某人等太上皇親以聖慈授朕朕日承慈訓常懼之弗嗣永惟明俊德以親族雖唐堯不敢後也故首下量試之令以官支庶而爾等各負文藝應有司之格其錫一命使從官政于夏曰仕而優則學學固無窮也母以既仕而遂自止馬可張紫微先生集蓋成授承信郎制 朕實恐瑜時付便宜於帥闕功圖實欽嚴考覈於吏銓茲命為真往勤圖報可特授承信郎鄭起潛立庵集白身借補人翟資特授承信郎制 汝說德歸誼戰功曰多錫之勇爵何以假為服此寵休勉圖忠報 歸朝人南師孟換授承信郎制 朕惟率土之濱莫非王臣爾說德歸誼起事赴功既無二心何愛一秩勉思忠報嗣有寵榮衛後樂先生集表案因講筵論語微章習學文字特承信郎制 魯論終篇儒臣第賞爾習刀筆亦與有勞遂陟武階抑云幸矣可不勉哉可劉行簡荅溪集田永年乞將父寶為建州軍賊殺死恩澤浦女夫許登承信郎制 勅具官某朕於死事之臣未嘗

不側焉動心思其族類唯恐或失所以勸義士而羞叛人也爾其異姓之
親與露命秩宜知自飭以稱所蒙可 吳諱以妻父陳思恭陣亡恩澤補
承信郎制 勅具官某朕聞夫忠義之士殞身矢石不得終于牖下也原
恤其家以及姻黨爾獲露命秩其思所以稱之可 賈進賊黨自首補承
信郎制 史宣降正轉承節郎換給符身詞云爾和於從偽自擇甚明有嘉
其忠超進官秩中以書命其尚知榮勅具官某爾審於自擇轉敗為功可
謂智矣錫之命秩其尚知榮可 郎誠以妻父未棄奉使未回恩澤補承
信郎制 勅具官某信使出疆淹時未返惕然興念厚恤其家爾惟外姻
膺此命秩其知自飭以稱寵榮可 寇忠陣亡贈承信郎與一字恩澤制
勅具官某爾奮于行陣固敵是求今爾殞身朕實有愧寵以命秩并錄
其孤魂而有知歆此至意可 陳惟忠以父陣亡恩澤補承信郎制 勅
具官某昨者虜犯襄漢爾父抗敵至殞厥軀朕心聞焉竊思其孤以勸義
士以慰九泉可 吳泳鶴林集趙必紡授承信郎制 勅具官某爾在屬籍
湫居西土能以文藝中履試格雖灾病遭連弗克造庭錫之武階厥有異
比示不忘遠也可 趙若鑄崇恩並授承信郎制 勅具官某等朕率循
舊典眾宗于進士于大庭爾以西蜀道遠疾病遭連不獲奉詔錫之武爵

厥有鼻比佳哉體予睦族念遠之意可 部沒授承信郎制 勅具官某
 守令親民之官而令於民允近矧連水介在淮北新還叛國收取撫摩蓋
 難其選爾慷慨有義氣晚暢違事外擱加借武爵俾字我百里之民比及
 一平已著嘉績茲錫真命佳哉無棄爾成可 趙邦寧授保義郎佟仲源
 等二十三人並授承信郎 勅具其人等朕奄九有之師開中興之緒冠
 帶而長爵及爾曹除舊汙往服新令可 進義校尉王子宜補承信郎
 制 勅具官某昔祖宗朝士以畫一策獻一詩而得官者多矣矧紹定辛
 卯坤方阻紅爾以儒家子自奮右科衣白衣持制檄左右戎旂編練智畧
 潰軍適即盪定華之以武爵未為過矣雖然事會之來無窮益壯爾猷以
 袞褒擢可 張震雷張萬取授承信郎制 勅某等國家以兩科取士揚
 于廷而後官之舊典也汝出贊于軍以王事多難不能入對師相轉而上
 聞朕安得不亮其心哉錫之武爵尚慙厥勤可 劉宗孟授承信郎制
 勅具官某建郡盜起朕設賞格以迪有功爾以布衣諸生乃能率先王師
 深入其阻可謂勇於義矣賊既蕩平郡太守以功上何惜一官不以示吾
 信耶可 彭汝舟授承信郎制 勅具官某佳歲山東義旅歸附全賊包
 藏禍心允忠於國異於已者必除去之爾父義斌寔陷斯害然義斌雖死

矣忠魂毅魄凜然如生汝每既以狀聞何惜一官不以謝山泉之義子弟
可徐爰卽補承信郎制勅具官某朕於名器不輕以假人爾布衣諸
生耳能以三江百餘家之衆應接數千衆已清之兵編戶不驚糧儲無闕
三州郡將交章薦聞朕何惜一官不以旌汝可石良輔授承信郎制
勅具官某嘉定己卯虜兵窺蜀探騎直闕潭毒之下爾父宣提偏師掩擊
於三衆隻馬奇輪無返者天奪我名將賞方下而死焉亦可憫矣錄汝等
以官先皇帝之賞格在宜以久而不昇矜爾耶蓋思忠勤服我休命可
呈亮仁補承信郎制勅某祖宗朝士以盡半策獻一詩得官者多矣矧
峒寇披張之時而能捐家財結塢寨鳩率義丁生致完渠而戮之如亮仁
者可不褒賞之哉華之武將以風多士可全大受全照孫徐良錢
仰之謝文彪謝大榮許大成鄭大澤並授承信郎制勅具某人等周以
王舅于邑于謝後世之光寵外親者率援此推恩漢廣博矣朕既備兵秋
之用以官后族國是謝人併及其親汝等母曰一命可以幸得也可錢
肇授承信郎制勅具某人朕正建中聞助理除教允其戚屬特命以官
其思名器之不輕益放共而匪懈可爾開禮張銘恭必簡並補承信郎
制勅某等朕並建圯續輔聖陰化允其戚屬各命以官汝其思名器之

不輕往敵共而靡懈可命俞紀劉元植並授承信郎制勅具官某等追惟沂邱誕正名稱凡內外戚屬咸霽恩典爾亦肺腑親也拔之白丁畀以一命其思報共母曰官可幸得也可燕宗仁宗道並補承信郎制勅某人等居公之裔禁王之甥於朕則戚屬也朕方追惟大共之德施及伯姊則如其孤何惜一官不以旌寵可全忠孫石孝廣邵若森張聖等補承信郎勅具某等朕於后戚之家不欲以恩挽去然我大母既濟附于太室則推報親之恩以廣逮下之仁亦義之所不容廢也爾等皆恭聖親屬庶慶深長命之一官旌其報可官兵周端何青王俊贈承信郎制勅某等往者峒寇慢防與師討擊汝等執事戎行敵王所愾以氣吞賊遂殲元身功既當酬忠尤可贈追贈厥秩仍錄其孤死而有知尚服休寵可祝邦傑贈承信郎制勂具官某往者峒寇慢防與師討擊爾以殿嘉將領摩壘而前捷聞酣戰於白水之下扶劍而歸元身遺殞亦可傷也追贈錄孤以旌鼓魄可廖澄授承信郎制勂具官某三衛盜起弄兵於山谷間往往而群爾為鄉豪乃能自覺稊糧率隅丁以擒捕大小凡一十一戰卒能殲賊同功一體之人已命之官矣使非郡將以收衆上寧不遺汝之功耶特升一階以旌其勇可

郎張世興